



Naalackersuisut – Inatsisartuni ataatsimiititaliaq suleqatigalugu – Kalaallit Nunaanni Inatsit Tunngaviusussaq pillugu missingiutip, Inatsit Tunngaviusussaq pillugu Isumalioqatigiissitap suliarisaata suliareqqinneqarnissaanik piaartumik qulakkeerinneqqullugit inatsisartut aalajangiiffigisassaattut siunnersuut. Suliareqqiinermi ilaatigut innuttaasut, ilinniarfeqarfiit soqutigisaqaqatigiillu kattuffii peqataatinneqassapput.

(Inuit Ataqtigiit Inatsisartuni ilaasortaataat)

(Siullermeerneqarnera)

Inatsit tunngaviusussaq pillugu Isumalioqatigiissitat tunngaviusumik inatsisissamut missingiusiaat pillugu innuttaasut akornanni isummersoqatigiinnissamut periarfissiisoqarnissaanut Naalackersuisut peqquneqarnissaanik Inatsisartut aalajangiiffigisassaattut siunnersuut.

(Siumup Inatsisartuni gruppia)

(Siullermeerneqarnera)

Qujanaq siunnersuuteqartunut.

Tunngaviusumik inatsisissaq pillugu isumalioqatigiissitap suliaanut aningaasarparsuut atorineqareerput. Sulineq aallaqqaataaniit unamminarsimavoq, Inatsisartuni amerlanerusuteqartut siunnersuut tassunga tunngassuteqartoq tuaviuussamik suliarimassuk. Isumalioqatigiissitami taarseraanngingasassimavoq, malittuinnarlu kinguaattoorneqartarsimalluni. Taakku saniatigut ajoraluartumik innuttaasut akuutinneqarnerat annikitsuinnaasimalluni.

Tunngaviusumik inatsisissamut siunnersuut kiisami uani upernaami tamanut nalunaarutigineqarmat, imaappasippoq, Naalackersuisut sianiginnikkaat, qanoriliussallutik. Tamannalu ajuusaarnaraluartumik tupaallannangilaq, tassami Naalackersuisut nalinginnaasumik pingaartumillu siulittaasoq ersigilluinnarmassuk sumininnguamilluunniit aalajangigaqarnissaq. Maanna maanga killippugut, naalackersuisooqatigiinni partiit marluk tunngaviusumik inatsisiliornissamut aningaasanik suli amerlanernik perusullutik.

Tassunga atasumik aallaqqaasiutitut uku aalajangersumik oqaatigilakka; inatsisissaq imaangilaq namminiilivinneq. Allaangilaq, IA aamma Siumut qinersisartut sianiinaarniarsarigaat tunngaviusumik inatsisissap suliarineqarnerata assigilluinnaraa, namminiilivinnissamut qanillattorneq. Tamanna eqqortuunngilaq.

Tunngaviusumik inatsisissamik suliaqarneq annertuumik annertunerusumik namminersulivinnissamut suliaqarnermik takoqqusaarutaannaasimavoq. Ilumoortumilli nunatta aqqissuusseqqiinernik ingerlatsiffigineqarnissaaq, namminiilivinnissatsinnut piareersarluta unilluinnarsimalluni. Aqqissuusseqqiinissat suaarutigineqareersut kinguartinneqarsimangikkunik



unitsikkallarneqarsimarpassipput. Tamanna pitsaasuungilaq. Taassumalu kinguneraa, politikikkikut namminiilivinnissaq siunissamut ungasinnerusumut kinguartinneqartuarmat.

IA aamma Siumup aalluttariaqarpaat aaqqissuusseqqiinerit oqimaatsut aallartinniarnissaat inuit salloqittaariinnarnagit, tunngaviusumik inatsisissamik suliaqarnejq ima paasineqassasoq, namminiilivinnissarput qanillattoripput.

Unneqarissaalaarta; aatsaat tunngaviusumik inatsit pisariaqalissaaq, namminiilivinnissaq qanillattorutsigu. Eqqortoq unaavoq, naalakkersuisooqatigiinni maannakkut sulinerup namminiilivinnissarput ungasilligaluttuinnartikkaat aaqqissuusseqqiisoqanngimmat, isumaginninnikkut pitsanngorsaasoqanngimmat aammalu inuiaqatigiit aningaasarsiornerat pitsanngorsarneqanngimmat.

Demokraatit isumaqarput, maannakkut tunngaviusumik inatsisissatut siunnersuut maannakkut nunatta inissisimanagera malillugu nammalluinnaraluartoq. Piffissarput aningaasaatigullu atortigit namminiilivinnissatsinnut piareersarnermut. Taakku kingorna aningaasaatigut tunngaviusumik inatsisissaq pillugu inunnik paasisitsiniaanermut atuissaqqaaratta, tamanna piffissanngorpat.

Siunnersuutit marluk tamarmik itigartinneqarnissaat innersuussutigaarput.